


«Zerbitzu zehatza» eskaini nahi diete gotzainek erlijio krisian daudenei

'Sinesmen biziagoaren zerbitzuan' pastoralakaleratu dute Hegoaldeko gotzainek

Eguno erlijio krisian pertsonen beren egoera argitzeko irizpideak eta sinesmena berreskuratzen laguntzeko gogoeta eskaintzea dute helburu Hego Euskal Herriko gotzainek kaleratu duten pastoralaren bidez. «Zerbitzu zehatza eskaini nahi diegu krisi honetan non aurkitzen diren jakin nahi dutenei eta Jainkoarekin topo egiteko zer bide hartu galdetzen dutenei».

Mikel Arrieta / Donostia



Ohikoa den legez, interes handia piztu zuen Setienen atzoko agerraldiak.

EDURNE KOCH

FEDEAREN ahultzea dute mintzagai Iruñea, Bilbo, Donostia, Gasteiz eta Bilboko gotzainek elkarlanean kaleratu berri duten *Sinesmen biziagoaren zerbitzuan* pastoralan. Gotzainen helburu nagusia «ez da izan kristautasuna defenditzea, baizik eta gaur egungo gizakiari Jainkoarekin topo egiten laguntzea», esan zuen Jose Maria Setien Donostiako gotzainak atzo egin zuen pastoralaren aurkezpenan.

Krisialdi honen barnean nork bere erabakia «erantzukizunez eta zintzo» hartzeko eskatzen dute gotzainek pastoralan: «Batzuek alde egin dute erlijiotik, beste batzuek ahalik eta gutxienera murriztu dute, beste batzuek, berriz, ohiko fede epela bizi dute. Hori guztia, gainera, pertsonen Jainkoaren aurrean nolako jarrera hartu nahi duten, eta jarrera hori zergatik hartzen duten pentsatu gabe ari da gertatzen». Gotzainek honako galde-

ra hau egiten dute: «Ez al da beharrezkoa erantzukizun handiagoz hartzea erabaki hori?».

Zer da Jainkoagan sinestea? •

Hori «oinarrizko galdera» da gotzainen ustez. «Sinestea, lehen-dabizi, Jainkoa onartzea da», dio Setienek. Hori funtsezkoa da Donostiako gotzainaren ustez: «Erlijioa munduari buruzko azalpena, Jainkoari buruzko teoria edota gizartearen gertatzen den fenomenoaren izan baino lehen, Jainkoarekiko loturan bizitzea da. Izatea ematen digun eta Jainko deitzen diogun horren-gandik bizi garela onartzea da sinesmena, bere izatearen mui-nea».

Sinesmen kontu hori «ez da

pertsona bakoitzaren sentimendu eta azalpen hutsetan gelditzen», gotzainen ustez. «Erlijio bakoitzaren tradizioan, baita kristautasunean ere, formula eta esakune zehatzetan gauzatzen da Jainkoarenganako fedea. Baina argi izan behar dugu beti fedea ez dela Jainkoari buruzko formula horiek sinestea, baizik eta Jainkoarengan berarengan sinestea. Gure izatea Jainkoarenganako norabidean jartzen gaituzten bideak besterik ez dira sinesmen-formulak. Sinestedu-na ez da formula horietara itxita gelditzen, baizik eta formula horiek erakusten dioten Jainkoarengana irekitzen da».

Jainkoarekin «topo egiteko bideak» ere aztertzen dituzte Hego

Euskal Herriko gotzainek beren idazkian. Haien ustez, «ez dago federik bihotz-berritze edo konbertsiorik gabe». Jainkoarekin topo egiteko «beharrezkoa da norberaren barneraino sartzea, eta geure barruan gordetzen den misterioaren aurrean jartzea. Jainkoa bere barruan aurkitzen ez duenak ez du inon aurkituko. Baina han somatzen badu, aurkituko du bizitzaren erdian ere».

Fedea biziberritzeko saioan familiak duen garrantzia nabarmentzen du idazkiak: «Familian dago jokoa, neurri handi batean, etorkizuneko fedea edota federik eza. Horregatik, uste dugu, familian dagoela era erabakigarrian lan egin beharra, fedea berreskuratu eta biziberritzeko». X

Erandio Bizirik taldeak Zabalgarbi enpresa salatu du publizitate engainagarriagatik

■ *Salaketa Eusko Jaurlaritzako Merkataritza Sailean aurkeztu dute talde ekologistako kideek*

Gorane Agirre / Bilbo

ERANDIO BIZIRIK herritar elkar-teak Bizkaiko errausteko labearen proiektua sustatzen duen Zabalgarbi enpresa salatu du, publizitate «engainarri eta desleiala» egiteagatik. Salaketa Eusko Jaurlaritzako Merkataritza, Kontsumo eta Turismo Saileko Publizitate Engainagarriaren Kontrakto Batzordearen aurrean aurkeztu berri du.

Iazko urritik Zabalgarbi enpresak hainbat ekimen egin ditu hiriko hondakin solidoen auziari buruzko informazioa emateko. Hala, hilabete hauetan publizitate kanpaina egin du irrati eta telebistan, erakusketak publikoak antolatu ditu eta eskuorriak banatu ditu etxetxe etxe.

Erandio Bizirik elkarteak ordezkariek hitzetan, «Zabalgarbi- ren propaganda engainagarria da

erabailtzaileak nahasten dituelako. Izan ere, propaganda horrek erabiltzaileen jokabide ekonomikoan eragina izango badu ere, Zabalgarbi bere jarduerari buruzko datu garrantzitsuak ez-kutatzeaz gain, egoera eta kompetentziari buruzko baieztapen maltzurak egiten ditu».

Elkarteko bozeramaileen arabera, «eskuorrietako informazioa hondakinen arazoa konpontzeko asmoa balute bezala planteatzen dute. Baina, bere helburu bakarra hondakin, petrolio eta gasa errez energia elektrikoa ekoizten duen errausteko planta bultzatzea da, hiriko hondakin solidoen auzia konpontzen ez duen proiektua, alegia. Eta hori lortzeko batzuetan baieztapen faltsuak egiten ditu eta besteetan benetako egoera ezkutatu du».

Zabalgarbi enpresaren publizitate hiriko hondakin solidoak

tratatzeko beste alternatibekin —berrerabilpena, birziklatzea, konpostajea edo zaborteak— «dezleiala» dela salatu zuten atzo Erandio Bizirik elkarteak. Baieztapen horren adibide bezala zera aipatu zuten, «zaborteak 'inolako aprobetxamendurik gabeko' hondakin biltegia dela dio banatu duen eskuorrietako batean, eta hori gezurra da, egun zaborteak gasa sortzeko erabiltzen baita eta ondorioz balorizazio energetikoa baitago».

Era berean, enpresa horren publizitateak «ez du proposatzen duen jardueraren kaltegarritasuna zehazten, eta errealtateak faltsutzen du, bai ingurugiroaren egokitzapena bai osasunerako bermeak finkatzen dituela adierazten duenean», kritikatu zuten.

Zabalgarbi egiten duen publizitatea «manipulatzailea, faltsua, engainagarria, alderdikoia

eta desleiala da, eta gatazka larriagotu besterik ez du egiten», salatu zuten elkarteak bozeramaileek. X

EILASek UPNko Gobernuaren hezkuntza politika salatu du

■ *Hezkuntza*

Departamentuaren lan negoziazioak, euskara eta DBHrekiko jarrera kritikatu du

Iruñea / Iruñea

EILAS irakaskuntza sindikatuak UPNko Gobernuaren hezkuntza politika gogor kritikatu zuen atzo eskaintako prentsaurrekoan. Sindikatuak, lehenik eta behin, Kultura eta Hezkuntza sailak sindikatuarekin egindako negoziazioetan erakutsitako jarrera itxia salatu zuen. «Ez du negoziatu nahi. Sindikatuak deitzen ditu informazioa emateko, edo jada erabakita dauzkaten ekintzak edota proiektuak aurkezteko».

Halaber, sindikalistek salatu zituzten Hezkuntza Goi Batzordeak (HGB) onartutako Ikastetxe Arautegi Organikoak (IAO). IAOek ikastetxe-ko funtzionamenduan sektore ezberdinek izan dezaketen partehartzea arautzen dute. EILASen irudikoz, IAOak «antidemokratikoak eta sexistak» dira.

Bestalde, HGB bera salatu zuten, «desagertu beharko lukeen erakunde atzeratua delako». Sindikatuaren ustez, irakaskuntza pribatuak egoera pribilegiatua gozatzen du: «Haiek irakaskuntza publikoari dagozkien gaiak buruz hitz egin eta erabaki dezakete, irakaskuntza publikokoek irakaskuntza pribatuaz inolako informaziorik jasotzen ez duten bitartean».

Horretaz landara, EILASek kritikatu zuen HGBk Nafarroaren hizkuntz aniztasuna ez duela aintzat hartzen. Ildo beretik, Hezkuntza Departamentuak euskarari inolako begirunerik ez diola gehitu zuten sindikatuko ordezkariek. «Urte honetako aurrekontuetan euskarari ematen zaion diru kopurua ez handitzeak garbi adierazten du jarrera nolakoa den».

Azkenik, EILASeko ordezkariek azaldu zuten Hezkuntza sailak DBHrekin duen jarrerak haiengan kezka handia sortzen duela. X



HERNANIKO UDALA

IRAGARKIA

1.- Xedea: 3 ibilgailuren horniketa kontratatzea.

2.- Proposamenak aurkezteak:

Hernaniko Udaletxean diruzaintza sailean, Iragarki hau Gipuzkoako ALDIZKARI OFIZIALEAN argitaratu eman eta hurrengo egunetik kontatzen hasita 13 egun, azken eguna larunbata balitz, hurrengo lanegunera aldatuko da, goizeko 9etatik eguerdiko ordubietara bitarte.

Hernaniko Udaletxean Zerbitzu Publikoetako Sailean, eskueran egongo da espediente osoa aztertu ahal izateko proposamenen aurkezpenak dirauen artean.

Hernani, 1997ko otsailak 5. ALKATEA.